

唐
音
統
籤

丁籤一百四十三

唐音統籤卷

五百四十九

裴夷直字禮卿第進士文宗時歷右拾遺吏部郎
累進中書舍人性婢亮武宗立視冊牒不肯署出
刺杭州斥羅州司戶參軍宣宗初復拜江華等州
刺史終散騎常侍詩一卷

宋志二卷

獻劉蕡書情

李德裕為河南日宣歙觀
祭使夷直與蕡同在幕府

白髮添雙鬢空宮又一年音書鴻不到夢寐兔空
懸地遠星辰側天高雨露偏聖期知有感雲海謾
相連

春色滿皇州

寒銷山水地春遍帝王州北闕晴光動南山喜氣
浮天紅粧暖樹急綠走陰溝思婦開香閣王孫上
玉樓氛氲直城北駘蕩曲江頭今日靈臺下翻然
却是愁

觀淬龍泉劍

歐冶將成器風胡幸見逢發硎思剗玉投水化為
龍詎肯藏深一作匣終期用荆鐘蓮華生寶鏐秋
日勵霜鋒鍊質絕三尺吹毛過百重擊磨如不倦
提握爾長從

一作文雲今得
便提出剪焉凶

亞父碎玉斗

一作裴
次先詩

張值雲陰如何清洛如清畫共見初升又見沉

寓言

秋樹却逢暖未凋能幾時何須尚松桂搖動暫青
枝

前山

只謂一蒼翠不知猶數重晚來雲映處更見兩三
峯

晚望

日下夕陰長前山凝積翠白鳥一行飛聯々粉書
字

方丈泉

循涯不知淺見底似非深永日無波浪澄
心照我

水亭

歲律行時變君恩竟未回門前即潮水朝去暮還
來

發交州日留題解練師房

久喜房廊接今成道路賒明朝回首處此地是天
涯

酬盧郎中遊寺見招不遇

獨出送山客不知游梵宮秋光古松下誰伴一仙翁

揚州寄諧子

千里隔烟波孤舟宿何處遙思更不眠淮南夜風雨

席上夜別張主簿

紅燭剪還明綠尊添又滿不愁前路長只畏今宵短

題斷金集後

令狐楚李逢吉侶和詩名斷金集及直為之序或云此楚詩也

一覽斷金集再悲艸玉人牙絲千古絕珠淚萬行

新

信人喪待兒

夜情河耿耿春恨草綿綿惟有嫦娥月從今照墓
田

今和州買松

好覓凌霜質仍須帶雨栽須知剖竹日便是着松
來

楊柳枝詞

已作綠絲籠曉日又成飛絮撲晴波隋家不合栽
楊柳長遣行人春恨多

寓言

流水潁陽不暫停東流西落兩無情不是世間人
自老古來華髮此中生

漫作

月色莫來孤暖處春風任向別人家梁園桃李難
無數斷定今年不看花

造意

梧桐墜露悲先朽松桂凌霜倚後枯不是世間長
在物暫分貞脆竟何殊

夜意

蕭疎盡地林無影浩蕩連天月有波獨立空亭人
睡後洛橋風便水聲多

八月十五日夜

去年今夜在商州還為清光上驛樓宛是依二舊
顏色自憐人換幾秋愁

秋日

六眸危北涼應早三足烏南日正長常記京關怨
搖落如今目斷滿林霜

似驩州作

晚涼

簷前蔽日多高樹竹下添池有小渠山客野僧歸

去後晚涼移案獨臨書

臨水

一見心原斷百憂
益知身世兩悠悠
江亭獨倚闌干處
人亦無言水自流

江上見月懷古

月上江平夜不風
伏波遺跡半成空
今宵倍欲悲陵谷
銅柱分明在水中

窮冬曲江閑步

雪盡南陂雁北飛
艸根春意勝春暉
曲江永日無人到
獨統寒池又獨歸

憶家

天海相連無盡處
夢魂來往尚應難
誰言南海無霜雪
試向愁人兩鬢看

秦中卧病思歸

索々涼風滿樹頭
破窗殘月五更秋
病身歸處吳江上
一寸心中萬里愁

上下七盤二首

斗回山路掩皇州
二截歡娛一望休
從此萬重青嶂合
無回更得重回頭

商山半月兩漫漫
偶值新晴下七盤
山似換來天

似洗可憐風日到長安

崇山郡

地盡尖荒瘴海頭聖朝今又放驩瓏交州已在南
天外更過交州四五州

訪劉君

援上馳蹄又走輪五更飛盡九衢塵靈芝破觀溪
松院還有齊時未起人

留客

青梅欲熟筍初長嫩綠新陰統砌涼湖館倚然無
俗客白衣居士且匡牀

奉和大梁相公送人二首

謝公日日傷離別，又向西堂送阿連。
想到越中秋已盡，鏡湖應羨月團圓。
北津楊柳迎烟綠，南岫闌干映水紅。
君到襄陽渡江處，始應回首憶羊公。

和周侍御洛城雪

天街飛轡踏瓊英，回顧全疑在玉京。
一種相如抽秘思，兔園那比鳳皇城。

酬唐仁烈相別後喜阻風未發見寄

離心一起淚雙流，春浪無情也白頭。
風若有知須

放去莫教重別又重愁

戲酬惟賞上人

師是浮雲無著身我居塵網敢相親
應從海上秋風便偶自飛來不為人

歲日先把屠蘇酒戲唐仁烈

自知年幾偏應少先把屠蘇不讓春
儻更數年逢此自還應惆悵羨他人

病中知皇子坡荷花盛發寄王績

十里蓮塘路不賒病來簾外是天涯
頰君四句遙相寄應得詩中便看花

寄杭州崔使君

朝下歸來只閉閤，羨君高步出人寰。
三年不見塵中事，滿眼江濤送雪山。

寄婺州李給事二首

心盡玉皇恩已遠，跡留江郡宦應孤。
不知壯氣今何似，猶得凌雲貫日無。
瘴鬼翻能念直心，五年相遇不相侵。
目前惟有思君病，無底滄溟未是深。

送王績

翠羽長時玉樹期，偶然飛下肯多時。
翩跹一路嵐

陰晚卻入青蔥宿舊枝

將發循州社日於所居館宴送

浪花如雪疊江風社過高秋萬恨中明日便隨江
燕去依依但是故巢空

別蘄春王判官

四十年來真久故三千里外暫相逢今日一杯成
遠別烟波渺恨重重

贈美人琴絲

應從玉指到金徽萬態千情料可知今夜燈前湘
水怨殷勤封在七條絲

南詔朱藤杖

六節南籐色似朱
拄行階砌勝人扶
會將須入溪山去
倚看雲泉作老夫

省中題新植雙松

端坐高宮起遠心
雲高水澗共幽沉
更堂寓直將誰語
自種雙松伴夜吟

題江上柳寄李使君

桂江南度無楊柳
見此令人眼暫明
應學郿中賢太守
依口相向許多情

鸚鵡

勸爾莫移禽鳥性翠毛紅嘴任天真如今漫學人
言巧解語終須累爾身

丁籤一百四十四

唐音統籤卷十五百五

章孝標桐廬人家錢塘登元和十四年進士第除

秘書省正字太和中辟山南東道從事試大理評

事詩一卷宋志七卷紀事云桐廬前有八元後

史云孝標五言新并最警田家一篇似大曆十子

聲調七言上王尚書贈釋廣宣楊校書送金可紀

寺篇異采亮節尤足發皇心目徐吳與摘其敗句

概誦傷於俗拙掩抑前賢之美乎

五言古詩

瀑布

秋河溢長空天灑萬丈布溪雷隱雲壑孤電掛崑

樹滄溟曉噴寒碧落晴盪素非趨下流急勢使不

得住

七言古詩

織綾詞

去年蠶惡綾帛貴官急無絲織紅淚殘經脆繡不通梭鵲鳳闌珊失頭尾今年蠶好緋白絲鳥鮮花活人不知瑤臺雪裏鶴張翅禁苑風前梅折枝不學隣家婦慵懶蠟楷粉拭漫官眼

五言律詩

歸海上舊居

鄉路統魚葭縈紆出海涯人衣披蜃氣馬跡印鹽

花草沒題詩石潮推坐釣槎還歸舊窻裏凝思向

餘

一作
紫烟霞

秦原早望

一忝鄉書薦長安未得回年光遂渭水春色上秦
臺燕掠平蕪去人衝細雨來

花開

西山廣福院

杭州海昌之
硤石山寺也

野寺孤峰上危樓聳翠微捲簾滄海近洗鉢白雲
飛竹影臨經葉松花照衲衣日斜登望處湖畔一

僧歸

遊雲際寺

衫袖拂青冥，推鞍上翠屏。
塵埃辭馬尾，城闕入窓
櫺。雲頷浮名去，鐘撞大夢醒。
范。山下事滿眼，送
流萍。

豐城劔池卽事

神物不復見，小池空在茲。
因嫌衝斗夜，未是偃戈
時。岸古魚藏穴，蒲凋翠立危。
吾皇別有劔，何必鑄
金為。

田家

荆公詩選誤作長安
秋夜今按三林改正

田家無五行，水旱卜蛙聲。
牛犢乘春放，兒孫候暖

耕池塘烟未起桑柘雨初晴
歲晚香膠熟村村自
送迎

贈茆山高拾遺曼

人皆貪祿利白首更營營
若見無為理兼忘不朽
名幽禽窺飯下好藥入籠生
夢覺幽泉滴應疑禁
漏聲

贈廬山錢卿

象魏抽簪早匡廬築室年
宦情歸去薄天爵隱來
高篋有新徵詔囊餘舊緼袍
何如捨麋鹿明主仰
風聲

贈匡山道者

嘗聞一粒功足以反衰容方寸如不達此生安可
逢寄書時感盡憶語道情濃爭得攜巾屨同歸鳥
外峯

道者與金丹開合已失回為二首再有投擲
木鑽鑽磐石辛勤四十年一朝纔見物五色互呈
妍七魄憎陽盛三彭惡命延被它迷失却歎息只
潜然

陰陽曾作炭造化各分功減自青囊裏收安玉合
中凡材難度世神物自歸空惆悵流年速看成白

首翁

次韻和光祿錢卿二首

大隄嚴城內，閑門向水開。
扇風知暑退，樹影覺秋來。
望遠雲生海，行稀砌長苔。
廢興今古事，何必歎池灰。

閑論憂王室，愁眉伏酒開。
方嗟三覆役，又喜四愁來。
晨起螢穿竹，晡食鳥下苔。
同期陽月至，靈室祝葭灰。

思越州山水寄朱慶餘

窻戶潮頭雪，雲霞鏡裏天。
島桐秋送雨，江艇暮搖

烟蘊折蓮芽
脆茶批茗眼
鮮還將歐冶劍
更淬若耶泉

山中送進士劉蟾赴舉

共住跡雖異
愛憎情不同
因君向帝里
使我歎山中
故友多朝客
新文盡國風
藝精心更苦
何患不成功

送進士陳峽往睦州謁馮郎中

孤帆幾日程
投刺水邊城
倚棹逢春老
登遙見月生
飲酣盃有浪
棊散漏無聲
太守憐才者
從容禮不輕

送無相禪師入關

九衢車馬塵不染了空人暫捨中峯雪應看內殿
春齋心無外事定力見前身聖主方崇教溪宜謁
紫宸

方山寺松下泉

石脉綻寒光松根噴晚霜注瓶雲母滑漱齒茯苓
香野客偷煎茗山僧惜淨床三禪不要問孤月在
中央

和崔校書新穿井

霜鉢破桐陰青絲試淺深月輪開地脉鏡面寫天

心碧梵花千片香泉乳百尋欲知爭汲引聽取轉
鑪音

破山水屏風

一作姚合詩

時人嫌古畫倚壁不曾收兩滴膠山斷風吹絹海
秋殘雲飛屋裏片水落床頭尚勝凡花鳥君能補
綴不

荅友人惠牙簪

牙簪不可忘來處隔炎荒裁得半環月磨成四寸
霜曉辭梳齒膩秋入髮根涼好是紗巾下纖
錐
出囊

聞雲中唳鶴

久在青田唳天高忽暫聞
翩翩縈碧落嘹唳入重
雲出谷鶯何待鳴岐風
欲羣九臯寧足道此去
遠
網緼

五言排律

風不鳴條

一作五
字詩

九日懸清景微風在綠條
入松聲不發過柳影空
搖長養應潛變一作
通扶疎每暗飄
有林時杳杳無
樹替蕭々慢逐清烟散
輕和瑞氣饒豐年知有
待
歌詠美唐堯

省試騏驎長鳴

有馬骨堪驚無人眼暫明力窮吳坂峻嘶苦朔風
生逐逐懷良御蕭蕭顧樂鳴瑤池期美影天路擬
飛聲皎月誰知種浮雲莫問程鹽車今願脫千里
為君行

上太皇先生

顛氣貫精神蒼崖老姓名烟霞空送景水木苦無
情斷藥雲根斷眠花石面平折松開月色泐水放
秋聲顏為忘憂嫩身緣絕粒輕圍幕看局努對鏡
戮妖精過海量鯨力歸天算鶴程露凝鍾乳冷風

定玉簫清坐覺衣裳古行疑羽翼生應憐市朝客
開眼鎖浮榮

玄都觀栽杏十韻

驅使鬼神功措栽萬樹紅薰香丹鳳闕粧點紫瓊
宮寶帳重遮日妖金遍累空色燃燒藥火影舞步
虛風粉撲青牛過枝驚白鶴冲拜星春錦上服食
晚霞中碁局陰長合蕭聲秘不通艷陽迷俗客幽
邃失壺公根祇終盤石桑麻自轉遼求師飽靈藥
他日訪遼東

七言律詩

少年行

平明小獵出中軍，異國名香滿袖薰。
畫榼倒懸鸚鵡背，花衫對舞鳳皇文。
左手持鞭白馬嘶，春雪晴時背竦青。
散入暮雲落日胡姬樓上飲，風吹蕭管滿樓聞。
散也。晉書張載論青散繁霜，繁於籠中，何以効其撮。東郭於構下蓋借馬鷹，其用而詩用之。

駱谷道中

捫雲曼棧入青冥，鞿馬鈴驪傍日星。
仰踏劔棱梯萬仞，下緣冰岫香千尋。
山花織時聊看澗水彈，
琴不暇聽若比爭名求利處，
尋思此路却安寧。

古行宮

瓦烟踈冷古行宮寂寞朱門反一作暗鏤空殘粉水
銀流砌下墮環秋月落泥中鶯傳舊語嬌春日花
學嚴粧妬曉風天子時清不巡幸祇應鸞鳳集梧
桐

題上皇觀

烟霞一作雲深蓋七星壇想像先朝駐禁鑿華路
已平栽藥地皇風猶在步虛寒樓臺瑞氣晴蕭索
衫綸龍身老屈端翻感惠休并李郭劍門空處望
長安

題耒秀才城南亭子

朱家亭子象懸袍階瑩青莎棟
苑瘴桂眼開欺
鳩鷓花綠網結妬蟬蛸有時風月輸三虎無壁琴
書屬四郊土木欲知精潔處社天歸燕怯安巢

上浙東元相公

婺女星邊喜氣頤越王臺上坐詩人雪晴山水勾
留客風暖旌旗計會春黎庶已同猗頓富烟花却
為相公貧何言禹跡無人繼萬頃湖田又斬新

蜀中上王尚書

梓桐花幕碧雲浮天許文星寄上頭武略劔鋒環
相府詩情錦浪浴仙州丁香風裏飛殘草邛竹烟

中動酒筵自古名高閑不得肯容王粲賦登樓

上西川王尚書

人人入蜀謁文翁妍醜終須露鏡中詩景荒涼難
道合客情踈密分當同城南歌吹琴臺月江上旌
旗錦水風下客低頭來天去暗堆冰炭在深衷

贈杭州嚴史君

艸青縣白湫河清飽向蒼龍閣下聞鼓角自嚴寒
海月旌旌不動濕江雲風驟處文章主井邑家
家父母君長恐抱轅留不住九天鴛鴦待成群

贈劉寬夫昆季

一作贈劉侍即兄弟三人同時及第

文聚星辰衣彩霞問誰兄弟是劉家
鴈行雲接參差翼瓊樹風開次第花
天假聲名懸日月國憑騷雅變浮華
曾窮晉漢儒林傳龍虎雖多未足誇

錢塘贈武翊贊

曾將心劍作戈矛一戰名場造化愁
花錦文章開四面天人科第占三頭
鴛鴦待侶飛中禁山水緣情住外州
時伴庾公看海月好吟詩斷望潮樓

唐語

林武翊黃府選為解頭及第為狀頭
宏詞為初頭時號武氏三頭故詩云

初及第歸酬孟元翊見贈

六年衣破帝城塵一日天池水脫鱗
未有片言驚

後輩不無慙色見同人每登公讌思來日漸聽鄉
音認本身何幸致詩相慰賀東歸花發杏樵春

題東林寺寄江州李員外

一作形

山勢稜層入杳冥寺形高下趣山行象牙床坐蓮
花佛瑪瑙函盛貝葉經日映砌陰移寶閣風吹天
樂動金鈴門前更有清江水便是潯陽太守廳

覽楊校書文卷

跪伸霜素剖琅玕身隨瑤池兔暗寒紅錦晚開雲
母殿白珠秋瀉水精盤情高鶴立崑崙峭思壯鯨
鮞渤澥寬誰有軒轅古銅片為持相並照妖者

蜀中贈廣宣上人

曾持麈尾別金根，萬乘前頭草五言。
疏講青龍歸禁苑，歌抄白雪乞梨園。
朝驚雲氣遮天閣，暮踏猿聲入劔門。
今日西川無子美，詩風又起浣花村。

住訂樓論蜀事
詳原藪本宣集

送張使君赴饒州

饒陽回富得州名，不獨農桑別有營。
日暖提筐依茗樹，天陰把火入銀坑。
江寒魚動槍旗影，山晚雲和鼓角聲。
太守能詩兼愛靜，西樓見月幾篇成。

送陳校書赴蔡州幕

天假縱橫入幕籌東南頓減一方憂行賁健筆辭
天閣坐見妖星落蔡州青草袍襟翻日脚黃金馬
鐙照旄頭此行領取從軍樂莫慮功名不拜侯

送金可紀歸新羅

登唐科第語唐音聖日初生憶故林鮫室夜眠陰
火冷蜃樓朝泊晚霞深風高一葉飛魚背浪淨三
山出海心想把文章合夷樂蟠桃花裏醉入參

貽美人

諸侯帳下慣新粧皆怯劉家薄媚娘寶髻巧梳金

翡翠羅裙互著繡鴛鴦輕輕舞汗初沾袖細細歌
聲欲遠梁何事不歸巫峽去故來人世斷人腸

柘枝

柘枝初出鼓聲招花鈿羅衫聳細腰移步錦靴空
綽約迎風綉帽動飄飄亞身踏節鸞形轉背面羞
人鳳影嬌祇恐相公看未足便隨風雨上青霄

詠弓

較量武藝論勳庸曾發將軍箭落鴻握內從誇響
似月眼前還怕撒來風只知擊起穿鷗鏃不解容
和射鵠功得病自從孟襄後至今形狀怕相逢

聞角

邊秋盡角怨金微
半夜驚吹解賊圍
塞鴈遶空秋
不下胡雲著草凍
還飛關頭老馬嘶
看月碛裏疲
兵淚濕衣餘韻
嫋空何處盡
戍天寥落晚星稀

和滕邁先輩傷馬

浮雲變化失龍兒
始憶嘶風噴沫時
蹄想塵中翻
碧玉尾休相裏掉
青絲曾同客舍吞
餒渴久共名
場踏嶮巖今日
櫪前興一歎
不關行李乏金羈

鷹

星眸未放瞥秋毫
頻掣金鈴試雪毛
會使老拳供

口腹莫辭親手啖腥臊
穿雲自怪身如電
忽免誰知吻勝刀
可惜忍饑寒
日暮向人摘一作鶴斷碧絲條註

鶴知歲切
鳥啄食也

六言律詩

游地肺六言

市朝擾々千古林壑冥々四賢謂楊郭黃鶴不歸

丹竈白雲自蒼芝
田溪灘永夜流月羽翼清秋在
天高跡無人更躡碧峰寥落孤烟

七言絕句

宮詞

明日鑿輿欲向東，守宮金翠帶愁紅。
九門佳氣已西去，千里花開一夜風。

夢鄉

家住吳王舊苑東，屋頭山水勝屏風。
尋常夢在秋江上，釣艇游揚藕葉中。

八月

范曄云：近日舉場詩尤新，章孝標對月長安一夜千家月，幾處笙歌幾處愁。

類字裝
交泰

徙倚仙居遠翠樓，分明宮漏靜兼秋。
長安夜已家十家月，幾處笙歌幾處愁。

淮南李相公席上賦春雪

據言云：李紳賦揚州，請孝標賦春雪。

詩命題於臺盤上考標
唯照案筆一揮云云

六出花飛處，飄粘窻著。一作砌上寒條朱門到

曉難盈尺盡是三軍喜氣銷

歸燕詞辭工部侍郎古今詩話云考標元和十三年下第時輩多為

詩以刺主司獨考標為歸燕詩留獻侍郎
使取宣度得詩展轉吟颯恨其遺落來年
又童典禮曹

考標登第

舊壘危巢泥已落今年故向社前歸連雲大廈無

棲處更傍誰家門戶飛

及第後寄廣陵故人據言云李紳鎮揚州考
標及第後寄紳詩云云

紳以一絕歲之有頂空腹用高心之句按
紳武宗初年鎮揚州考標元和十四年登

第在其前二十餘年似不相值或非抽事也

及第全勝十政官金鞍鑊了出長安馬頭漸向揚
州郭為報時人洗眼者政一作改

題杭州樟亭驛

紀事云考標及第除正字東

句云紅花真笑白頭人改為選似且曰我將老成名似我芳艷詎能久乎及還御而遊今考考標太和中高辟幕府去登第久矣何云遊喪也似未足據

樟亭驛上題詩客一半尋為山下塵世事日隨流水去紅花還似白頭人

贈陸揚浙西進詩除官

帝城雲物得陽春水國烟花失主人昨日天風吹

樂府六宮絲管一時新

日者

十指中央了五行說人休咎見前生我來本乞真
消息却怕呵錢卦欲成

諸葛武侯廟

木牛零落陣圖殘山燒燒殿古栢寒七縱七擒何
處在茅花樞葉蓋神壇

小松

爪葉鱗條龍不盤梳風幕翠一庭寒莫言只似人
長短須作浮雲向上看

僧院小松

拋杉背栢冷僧簾鎖月梳風出殿簷還似天台新
雨後小峯雲外碧尖尖

劉侍中宅盤花紫薔薇

真宰偏饒麗景家當春盤出帶根霞從聞一朶朝
衣色免踏塵埃着雜花

鯉魚

眼似真珠鱗似金時時動浪出還沉河中得上龍
門去不歎江湖歲月深

餞鷹詞

遙想平原免正肥
千迴礪吻振毛衣
縱令啄解絲
條結未得人呼不敢飛

丁籤一百四十五

唐音統籤卷五百五十一

顧非熊况之子少俊悟一覽成誦及長滑稽好辨
凌轢氣馘子弟為衆所抑困於舉場者三十載會
昌中陳商放榜上怪無非熊名召有司追榜放及
第累佐使府大中間為盱眙尉慕父風棄官隱茅
山詩一卷唐宋志同蓋邑舊有刻本僅得詩十七篇今以弘治中如醜老人張習抄本及虞山趙玄度藏本共補為七十四首段成式云記嘗有子大哭之哀為詩句老人喪愛子旦暮哭成血老人已七十不作多時別子魂聞之結淚壅再為况子復生七歲其兄戲批之忽曰我尔之兄何故批我乃叙前生事歷口不誤即非熊也為成式說如此

五言律詩

銅雀妓

鴉散陵樹晚
蓬開帷帳空
嬋娟罷休妬
歌舞怨來同
往事與塵化
新愁生曲終
迴軒葉正落
寂寞聽秋風

早秋兩夕

貧居常寂寞
况復是秋天
黃葉如霜後
清風似水邊
中宵疑有鴈
當夕暫無蟬
就枕終難寐
殘燈滅又燃

天津橋晚望

晴登洛橋望
寒色古槐稀
流水東不息
翠華西未

歸雲收中岳近鍾出後宮微回首禁門路群鴉度
落一作暉

月夜登王屋仙壇

月臨峯頂壇氣爽覺天寬身去銀河近衣露玉露
寒雲中日已赤山外夜初殘即此是仙境惟愁再
上難

下第後晚坐

遠客滯都邑老鷺時節催海邊身夢覺枕上鼓聲
來起見銀河沒坐知閭闔開何為此生內終夜泣
塵埃

下第後送友人不及

失意經寒食，情偏感別離。
來逢人已去，坐見柳空垂。
細雨飛黃鳥，新蒲長綠池。
自傾相送酒，終不展愁眉。

夏日會修行段將軍宅

爰君書院靜，莎覆藪塔濃。
連穗古藤暗，頷雛幽鳥重。
樽前迎遠客，林杪見晴峯。
誰謂朱門內，雲山滿座逢。

興無可宿輝公院

夜僧同靜語，秋寺近嚴城。
世路雖多梗，玄心各自

明寒池清月彩危閣聽林聲倘許斐摩頂隨緣萬劫生

題平陸縣亭

孤亭臨峭岸別有遠泉來山興中條合河逢一曲
迴夜聲多屬過晚色亂雲開却自求僮僕淹留莫
謾催

題馬儒父石門山居

尋君石門隱山近漸無青鹿迹入柴戶樹身穿草
亭雲低收藥徑苔惹取泉瓶此地客難到夜琴誰
共聽

題春明門外鎮國禪院

空門臨大道師坐此中
禪通客自生敬焚香惟默
然畫燈明象外古木覆簷前
不得如馴鴿人間萬
慮牽

經杭州

郡郭遙江濱人家近白雲
晚濤臨檻看夜艣隔城
聞浦轉山初盡虹斜雨未
半一作分有誰知我意心
緒逐鷗群

秋日陝州道中作

孤客秋風裏驅車出陝西
閨河午時路村落一聲

雞樹勢標秦遠天形到岳低誰知我名姓來往自

淒淒

一作
柳

經河中

一望蒲城路閨河氣象雄樓臺山色裏楊柳水聲
中思起懷吳客行僻向磻鴻我來尋古跡唯見舜
祠一作
遺風

天河閣到啼猿閣即事

七盤閨秦蜀分界處
因此俗期有天河入

戶低之句後
人立天河閣

萬壑褒中路何層不駕虛濕雲和棧起維析帶會
餘岩狖牽壺果湍禽接迸一作
躍魚每逢維艇處塢

裏有人居

夏夜漢渚歸舟即事

扁舟江瀨盡歸路海山青巨浸分圖象危檣入衆
星而遙明電影蜃曉識樓形不是長遊客那知造
化靈

桃巖懷賈島

路向杳岩去一作寺多行洞壑間鶴聲兼一作連野靜
溪色帶村閑疎葦秋前渚斜陽雨後山憐君不得
見詩思最相閑

酬均州鄭史君見送歸茅山

餞行詩意厚惜別獨筵重解纜城邊柳還舟海上
峯飲猿常瀨見浴鳥帶槎逢吏隱應難遂為霖是
壑龍

成名後將歸茅山酬群公見送

此名誰不得人賀至公難素業承家了離筵去國
歎暮天行鴈斷曉渡落潮寒攜隱茅峯下松根石
上盤

酬陳標評事喜及第與段何共貽

至公平得意自喜不曰媒榜入金門去名從玉葉
來秋情聽鳥語笑眼對花開若擬華筵賀當期醉

百杯

閱試後嘉會里間蟬感懷呈主司

昔聞鶯節換常抱異鄉愁
今聽當名遂方歡上國
遊吟纔依樹午風已報
庭秋併覺聲上好懷思
忽淚流

贈友人

吾友昔同道唯予今獨行
青雲期未遂白髮鑷還
生舊隱連江色新春聞
鳥聲休明獨不遇何計
可歸耕

落第後贈同居友人

有情天地內多感是詩人見月長憐夜看花又惜
春愁為終日客閑過少年身寂寞正相對笙歌滿
四隣

贈覺真上人

長安車馬地此院閑松聲新罷九天講舊曾諸岳
行能詩回作偈好客豈聞名約我中秋夜共來看
月明

寄九華山費拾遺

先生九華隱鳥道一作隔塵埃石室和雲住山田
引燒開久閑仙客降一作高卧詔書來一入溪林

去人間更不回

冬日寄蔡先輩校書京

弱冠下茅嶺中耳道不行舊友因貴絕新月對愁
生旅思風飄葉歸心鴈過城惟君知我苦何異爰
桐鳴

行經褒城寄興元姚從事

往歲客龜城同時聽鹿鳴君魚蓮幕貴我得桂枝
榮樓閣危初盡褒川路忽平心期一壺酒靜話別
離情

下第後寄高山人

我家堂屋前仰視大茅巔潭靜鳥聲異地寒松色
鮮人眠甕滿月鹿飲竹門泉多愧隣一作高隱無
成又一年

寄紫閣無名新羅頭陀僧

糝床已自繁野宿更何營大海誰同過空山虎共
行身心想外盡髣髴定中生紫閣人來禮無名便
是名

寄太白無能禪師

太白山中寺師居最上方獵人偷佛火禪鼠戲禪
床定久衣塵積行稀徑草長有誰來問法林杪過

殘陽

舒州酬別上卿

一作侍御

故交他郡見下馬夫愁容執手向殘日分襟在晚
鐘鄉心隨皖水客路過廬峯衆惜君材器何為滯
所從

送信州盧員外兼寄薛員外

五馬弋陽行分憂出禁城粉
移席近茜旆越疆
德茂榮方漸仁深瑞必呈疲
既復何幸前政已
殘聲

送杭州姚員外

浙江江上郡楊柳到時春
整起背城鴈帆分向海
人嶠雲侵寺吐汀月隔樓
新靜裡更何事還應詠
白蘋

送于中丞入回鶻

風沙萬里行邊色
看雙旌去展中華禮
將安外國情
朝衣驚異俗
牙帳見新正
料得歸來路
春深草未生

送李廓侍御赴劔南

鳥道見狼烟
元戎正急賢
圖書借朋友
吟詠入戈鋌
山色城池近
江聲鼓角連
不應誇戰勝
知在一作

更按
檄蠻篇

送皇甫司錄赴黔南幕

黔南從事客祿利
來饒官受外臺
屈家移一舸
遙夜猿聲不斷
寒木葉微凋
遠別因多感
新卽倍
寂寥

送友人及第歸蘓州

見君先得意
希我命還通
不道才堪並
多緣蹇共
同鶴鳴荒苑內
一作野外
魚躍夜潮中
若問家山路
叨連震澤東

送喻覓春歸江南

去年登第客今日早春歸翼影離秦馬連香入楚
衣里閭爭慶賀親戚盡光輝唯我門前渚苔應滿
釣磯

送馬戴入華山

古木亂重日何人識去蹤斜陽收萬壑圓月上三
峰雲裏泉縈石牕間鳥下松唯應採藥客時向此
相逢

送友人歸漢陽

樽前別楚客雲水思縈回秦野春將盡商山花不
開鷗鷺帆乍起紅見雨初來自有歸期在蟬聲處

江山萬重歸去指何峰未入連雲寺先齋越浪
鐘島香迴棧栢一作栢秋蔭出庵松若救吳人病須
降震澤龍

賦得江邊柳送陳許郭員外

拂水復含烟行分古岸邊春風正搖落客思共悠
然絮急頻縈水根復繁舡微陰覆離岸祇此醉
昏眼

武宗挽歌詞二首

睿略皇威遠英風帝業開竹林方受位薤露共興
哀靜塞妖星落和戎貴主回龍驤不可附空見望

仙臺

蒼生期漸泰皇道欲中興國用銷靈像農功復冗
僧冕旒辭北闕歌舞怨西陵惟有金莖石長宵對
玉繩

會中賦得新年

萬古如昨日一年加一一作晨暗生無限事潛老
幾多人歸路舊侶盡故鄉回鴈新那堪獨惆悵猶
是白衣身

斜谷郵亭翫海棠花

忽識海棠花令人足嘆嗟艷繁惟共笑香近試堪

誇駐騎志山險持盃任自斜何川是多處應遠羽
人家

萬年鴈員外宅殘菊

繞過重陽後人心已為殘近霜須苦惜帶蝶更宜
看色減頻經兩香銷恐漸寒今朝陶令宅不醉却

應難

恐一
作怨

鴈

逐暖來南國迎寒背朔雲下時波勢出起處陣形
分聲急奔前侶竹低續後群何人寄書札絕域可
知聞

五言排律

題永福寺臨淮亭

亭即司馬復
明府所置

淮上前朝寺因公始建亭雖無山可望多有鶴堪
聽引客開垂釣着僧靜灌瓶帶潮秋見月隔竹曉
聞經水氣侵衣冷蘋風入座馨路逢沙獺上舡值
海人停砧杵鳴孤戍烏鳶下遠汀連波芳草闊極
目暮天青劍置嗟心匠幽棲得地形常來勸農事
賴此近郊坳

陳情上鄭主司

登第久無緣歸情思渺然菟麋公道日身賤太平

年未識笙歌樂虛逢歲月遷羈懷吟獨苦愁眼愧
花妍求遠非榮已修辭欲繼先秦城春十二吳苑
路三千茅屋山嵐入柴門海浪連遙心猶送鴈歸
夢不離船時節思家夜風霜作客天庭闈垂旦暮
兄弟阻團圓朝乏新知已村荒舊業田受恩期望
外效苑誓生前願察為衷意仿詳和角篇懇情今
吐盡萬一真哀憐

七言律詩

長安清明日言懷

明時帝里遇清明還逐遊人出禁城九陌芳菲鶯

欲嚙萬家車馬兩初晴客中下第逢今日愁裡看
花厭此生春色來年誰是主不堪顛顛一作更無
成

出塞即事二首

塞山行盡到烏延萬頃沙堆見極邊河上月沉鴻
鴈起碛中風度犬羊膾席萁草斷城池外護柳花
開帳幕前此處遊人堪下淚更聞終日望狼烟
賀蘭山便是戎疆此去蕭關路幾荒無限城池非
漢界幾多人物在胡鄉諸侯持節望吾土男子生
身負我唐回首風光成異域誰能獻計復河湟

送李相公昭義平復起彼宣慰員外嗣行
天井雖收寇未平所司促戰急王程曉馳雲騎穿
花去夜與星郎帶月行新詠盡題閔外事故鄉因
遇洛陽城時逢寒食遊人識竟說從來有大名
送從叔尉泥池

同登科第皆清列高愛東畿一尉閑雖有田園供
海畔且無宗黨在朝班甘貧只為心知道晚達多
緣性好山白首青衫猶未換又騎羸馬出函關

哭韓將軍

將軍不復見儀形笑語隨風入者冥戰馬舊騎嘶

引壘歌姬新嫁哭辭靈功勳客問求為誌服玩僧
收與轉經寂寞一家春色裏百花開落滿山底

崔卿雙白鷺

朝客高清愛水禽綠波雙鷺在園林立當風裡絲
搖急步遠池邊字印溼刷羽競生堪画勢依泉各
有取魚心我鄉多傍門前見坐覺烟波思不禁

五言絕句

子夜夏秋二曲

相持薄羅扇綠樹聽鳴調君筵呈妙舞香汗濕蛟

銷

涼
銀床梧葉下便覺漏聲長露砌蛩吟切那憐白苧

關山月

西
海上清光發邊營照轉悽深閨此宵夢帶月過遼

採蓮詞

急
纖手折芙蓉花洒羅衫濕女伴喚回船前溪風浪

秋月夜

族鴈迎風度階翻月露華砧聲鳴夜永江上幾多

家

登樓

登樓一南望
淮樹楚山連
見鴈無書寄
歸吳定此年

閩門書感

鳧鷖踏波舞
樹色接橫塘
遠近蘼蕪綠
吳宮總夕陽

七言絕句

暮春早起

柳梢暗露滴
清晨簾下偏
鶯獨起人聽
鳩散聲花

漸落園林是處總殘春

秋夜長安病後作

秋中帝里經旬雨晴後蟬聲更不聞
牢落閑庭新病起故鄉南去鴈成群

途次懷歸

隴頭未偃乳烏飛兀倚征鞍倍憶歸
正值江南新釀熟可容開却老萊衣

寄陸隱君

相思迢遞隔重城鳥散堦前竹塢清
定擬秋涼過南崦長松石上聽泉聲

寄吳山淨上人

憶共蒲團話夜鐘
別來落葉悶行蹤
遙知黛色秋常翫
住向靈岩第幾峯

送內鄉張主簿赴任

松憲久是餐霞客
山縣新為主印官
溷俗故來分利祿
不教長作異人看

瓜洲送朱萬言

渡頭風晚葉飛頻
君去還吳我入秦
楚淚別家猶未斷
不堪仍送故鄉人

送徐五綸南行過吳

吳門東去路三千到得閭門暫泊船
老父出迎應倒屣貧居江上信誰傳

題王使君片玉

勢似孤峰一片成坐來疑有白雲生
主人莫怪殷勤看遠客長懷舊隱情

丁籤一百四十六

至一百五十一同卷

唐音統籤卷

五百五十二

薛瑩文宗時人爵里未詳有洞庭詩集一卷

唐末

志同按陳氏書錄稱其中多蜀詩其白士瑩歲者未知前之長慶四年抑後之中和二年今則所云蜀中及士瑩紀年者不彙見七侯多矣品彙云唐末人誤

秋晚同友人閑步

藉草興行莎相看日未斜
斷崖分鳥道踈樹見人家
望遠臨孤石吟餘落片霞
野情看不足歸路思猶賒

宿仙都觀陰王二君修道處

十載別仙峰峰前千古蹤
陰王修道處雲雪滿高

松洞口風雷異池心星漢重明朝下山去片月落
殘鐘

宿東巖寺晚起

野寺寒塘曉遊人一夢分鐘殘數樹月僧起半岩
雲宿鳥鶯初見幽泉落不聞吟餘凭前檻紅葉下
紛紛

秋日湖上

落日五湖遊烟波處處愁浮沉千古事誰與問東
流

江山閑望

渺渺無窮盡風濤幾日平年光無人事東去一聲
聲

訪武陵道者不過

花發鳥仍啼行行路欲迷二真無問處虛度武陵
溪

寄舊山隱侶

舊山諸隱淪身在若無身莫鎖白雲路白雲多悞
人

羨僧

處世曾無著生前事盡非一餅魚一衲南北去如

歸

錦

軋軋弄寒機功多力漸微
惟憂機上錦不稱舞人衣

中秋月

三十六旬盈復缺百年堪喜又堪傷
勸君莫惜登樓望雲放嬋娟不久長

句

單棹橫疎雨江灘秋泊時
花留身住越月逐夢

還秦

海上以下
見海錄碎事

丁籤一百四十七

李廓宰相程之子登元和進士第以詩名聞于時

累官潁州刺史大中末終武寧節度使詩一卷唐志

無宋志有木傳云廓不能治軍補闕鄭魯言徐必亂已而果為軍所逐紀事云小說載廓投其

父程過三亭渡為小石隱足痛以呼父程曰太筆峰頭見有仙人子跡黃河灘裏爭得隱人脚跟

猛士行

戰鼓驚沙惡天色猛士虬鬚眼前黑單于衣錦日
行兵陣頭走馬生擒得幽并少年不敢輕虎狼窟
裏空手行

雞鳴曲

星稀月沒入五更膠角。雞初鳴。征人牽馬出
門立辭。妾欲向安西行。再鳴引頸。簷頭下月中角
聲催上馬。繞分地色。第二鳴。旆旛紅塵已出城。婦
人上城亂招手。夫婿不聞。遙哭聲長。恨雞鳴別時
苦。不遣雞栖近窻戶。

鏡聰詞

匣中取鏡辭。龜王羅衣捲盡。明月光。昔時長著照
容色。今夜潛將聰。消息門前地。黑人來。掃無人錯
道。朝夕歸更。深弱體冷如鐵。綉帶菱花。懷裏契銅
片。銅片如有靈。願得照見行人千里形。

長安少年行十首

金紫少年卽綬街鞍馬光身從左中尉官屬右春坊刻戴揚州帽重薰異國香
垂鞭踏青艸來去杏園傍

追逐輕薄伴間道不着緋長攏出獵馬數換打球衣
晚日尋花去春風帶酒歸青樓無盡夜歌舞歌時稀

日高春睡足帖馬嘗年華倒插銀魚袋行隨金犢車
還攜新市酒遠醉曲江花裁度歸侵黑金吾送到家

好飲耽長夜天明燭滿接留人看獨脚踏馬換偏
頭樂奏曾無歇盃巡不暫休時時逞冷笑怪客有
春愁

遨遊攜艷妓裝束似男兒盃酒逢花住笙歌簇馬
吹翼聲催曲急春色送歸遲不以聞街鼓華筵待
月移

賞春惟逐勝大宅可曾歸不樂還逃席多狂慣袂
衣歌人踏日起語燕捲簾飛好婦唯相妬倡樓不
醉稀

戟門連日閉苦飲惜殘春開鎖通新客教姬屈醉

人請歌韋白馬自舞蹈紅茵時輩皆相許平生不
負身

新年高殿上始見有光輝玉鴈排方帶金鸞立仗
衣酒深和碗賜馬疲打珂飛朝下人爭看香街意
氣歸

遊市慵騎馬隨姬入坐車接邊聽歌吹簾外揀釵
花樂眼從人鬧歸心畏日斜蒼頭來去報飲伴到
倡家

小婦教鸚鵡頭邊喚醉醒犬嬌眠玉簾鷹擊撼金
鈴碧地攢花障紅泥待客亭雖然長按曲不飲不

曾聽

落第

勝前潛制淡泉裏日嬾身氣味如中酒情懷似別
人暖風張樂席晴日看花塵盡是添愁處深居乞
過春

夏日途中

樹夾炎風路人正午稀初蟬數聲起戲蝶一團
飛日色欺清鏡槐膏點白衣無成歸故里自覺少
光輝

上令狐舍人

名利生愁地貧居歲月移
買書添架上斷酒過花
時宿客嫌吟苦童童恨
睡遲近來唯儉靜將此
答
溪知

送振武將軍

葉葉歸邊騎風頭萬里乾
金裝腰帶重錦縫耳衣
寒蘆酒燒蓬煖霜鴻撚箭
看黃河古城道秋雪白
漫漫

贈嵩山東於嶺僧

高嶺東西路欲分
兩間茅屋一溪雲
師言耳重知
師意人是人非不欲聞

丁籤一百四十八

劉三復潤州句容人少貧苦學以文章見知于李
德裕自浙西迄淮南在賓幕同吟詠後遣詣闕求
試登第會昌時歷刑部侍郎弘文館學士有表狀

問遺諸集十三卷

唐宋志同宋志又有今存詩一

篇

北齊書銷言云三復集記三生事云曾為馬。常

涓望驛而嘶傷其蹄則連心痛後三復來馬硯

確之地為後壘有不必去之其家不習門限慮傷

馬蹄也劉禹錫亦深重三復才以宋人相遇有詩

之贈

送黃明府曄赴岳州湘陰任

擬占名場第一科龍門十上因風波三年護塞從

戎遠萬里投荒失意多
花縣到時銅墨青葉舟行
處水雲和遙知布惠蘇
民後應向祠堂吊汨羅
丁籤一百四十九

封敬字碩夫蔣人元和中登第後為李德裕所知
累中書舍人知制誥屬詞瞻敏不為竒溫宣宗朝
終戶部尚書有翰藁八卷唐宋志同今存詩二篇

春色滿皇州

帝里春光正葱蘢喜氣浮
錦鋪仙禁側鏡寫曲江
頭紅萼開蕭閣黃絲拂御樓
千門歌吹動九陌綺
羅游日近風先滿仁溪澤
共流應非顛頽質辛苦

在神州

為池州刺史題西隱寺

為去聲

三年未到九華山終日披圖一室間
秋寺喜因晴後賞靈峰着待足
時還猿從有性留僧坐雲謁無
心伴客閑勝事倘能銷歲月已拚
名利不相關

丁籤一百五十

皇甫松字子奇自稱檀奩子湜之子也詩十三篇

花園集稱光肇唐志注云撰大隱賦一卷無其松
又撰醉鄉日月三卷唐時飲酒令也

拋球樂

紅撥一聲飄輕球墜越綃帶翻金孔雀香滿綉蜂

腰少少拋分數花枝正索饒
金麝花毬小真珠綉帶垂幾回衝蠟燭千度入春
懷上客終須醉觥盃自亂排

古松感興

皇天后地力使我向此生貴賤不我均若為天地
情我家世道德旨意匡文明家集四百卷獨立天
地經寄言青松姿豈羨朱權榮昭昭大化光共此
遺芳馨

怨回紇歌

白首南朝女愁聽異域歌收兵頡利國飲馬胡蘆

河瓦布腥膻久穹廬歲月多鵬巢城上宿吹笛淚
滂沱

江上送別

祖席駐征旆帆開候信潮隔筵桃葉泣吹管杏花
飄船去鷗飛閣人歸鹿上橋別離惆悵淚蹄路濕
紅蕉

登郭隗臺

燕相謀在茲積金黃巍上者欲何顏使我千載
悲

勸僧酒

開
勸僧一杯酒共看青青山
酣然萬象滅不動心印

楊柳枝詞二首

爛熳春環水國時吳王宮殿柳絲垂
黃鶯長叫香
閨畔西子無因更得知
春入行宮暖翠旗玄宗侍女舞烟絲
如今柳向空
城綠玉笛何人更把吹

浪淘沙二首

灘頭細草接疎林浪惡罾船半欲沉
宿鷺眠洲非
鴛浦去年沙觜是江心

蠻歌苴蔻北人愁
松雨蒲風野艇秋
浪起鷓鴣眠
不得寒沙細細入江流

採蓮子二首

菡萏香蓮十頃陂
小姑娘貧戲採蓮
遲晚來弄水船
頭濕更脫紅裙鴨兒

船動湖光灩
秋貧者年少信
船流無端隔水拋
蓮子遙被人知半日羞

逸句

夜入真珠室
朝遊玳瑁宮

紀事云松丞相奇章公表甥公不屬舉怨望同

袁陽大水極言詠訪有句云：真珠公愛姬名也
涉劉嶺牛羊曰層松名為之序云

丁籤一百五十一

歐陽袞字希甫閩縣人與項斯友善齊名寶曆元年及第歷侍御史集二卷

宋志一卷

今存詩九篇

兩

細雨弄春陰餘寒入畫深山姿輕薄霧烟色澹幽
林鹿踐莓苔滑魚牽水荇沉懷情方未已清酒漫
須斟

田家

黯黯日將夕牛羊村外來
岩阿青氣發籬落杏花
開草木應初感鷓鴣亦已催
晚閨春作好行樂不

須臾

神光寺

香刹懸青磴飛接界碧空石門樓怖鷓慈塔繞歸
鴻有法將心鏡無名屬性通從來樂幽寂尋覓未
能窮

和項斯遊頭陀寺上方

步入桃源裏晴花更滿枝
峯迴山意曠林杳竹光
暉遠寺尋龍藏名香發雁池
間能將遠語况及上
陽時

秦原道中

分險架長澗，斜梁控夕巒。宿雲依嶺斷，初月入江
寒。緇化秦裘敝，塵螿漢策殘。無言倦行旅，遙路屬
時難。

月峯寺憶理公

共來江海上，清論一宵同。禪榻渾依舊，心期浩已
空。鶯春花落樹，聞梵澗搖風。二諦欣咨啓，還應夢
寐通。

寄陳去疾進士

放跡疑辭垢，棲心亦道門。玄言薜幌說，詩思竹爐
溫。解帶搖花，落彈琴散鳥喧。江山茲夕意，唯有素

交存

聽郢客歌陽春白雪

寂聽郢中人高歌已絕倫
臨風飄白雪向日奏陽
春調雅偏盈耳聲長香入神
連連貫珠並裊々過
雲頻度曲知難和凝情想任真
周郎如賞羨莫使
滯芳晨

南澗寺

春寺無人亂鳥啼
藤蘿陰磴野僧迷
雲藏古壁遺
龍象草沒香臺抱
鹿麕松籟冷疑
梵唄柳烟歷
歷見招提為耽
寂樂親禪侶莫
怪閒行費馬蹄